

四庫全書

集部

欽定四庫全書

集部

范忠貞集卷十九

詳校官檢討臣劉錫五

助教臣常循覆勘

總校官知縣臣繆琪

校對官助教臣胡子襄

謄錄監生臣馬步蟾

欽定四庫全書

范忠貞集卷九

清苑劉可書編

挽歌

哭范觀公少司馬死閩難

魏象樞

風高范老舊家門血灑巖疆報

國恩兩浙清名垂竹帛八閩正氣塞乾坤潮歸南海

蛟龍泣月上

東華劍履存青史千秋今日定

九重早已鑒忠魂

挽督閩范侍郎抗節殉難

梁清標

如公忠孝自家傳三歲幽俘瘴海邊欲奉金甌還
帝闕那堪鼙鼓動蠻天孤臣獨蹈危機日信史終書盡
節年留得總惟霜月冷幾回流涕武彛篇

其二

列戟門間劍珮虛握拳透爪更何如同仇幸有田

橫客絕筆猶傳蘇武書萬里傷心摧羽翮九原遺
恨矢鯨魚纍臣氣作山河壯夜夜忠魂繞

玉除

哭范覲公制府殉難

李 蔚

壁上何人字千行血淚深雲雷迴世運金石鑄臣
心厲鬼他生志明神此日臨魂招知易返夜繞白
山岑

其二

溯水移風效閩天未雨謀徙薪時已晚裏革志終
酬石立中流柱霜凌勁草秋有人藏碧血萬里慰
松楸

挽故中丞范覲公祖臺

譚宗

五載深仁溯海填忽然鐫裂嚮閩天野夫隔面腸
猶斷春草無心涕已漣痛毒天親垂

觀闕從容大義滿詩篇不堪呶啞南歸鳥片片西風作
杜鵑

天道歌

有小序

洪士銘

康熙丁巳七月十二驟聞閩舊撫軍劉秉政
暴殂於是知有天道歌以志慨兼哭范觀公

侍郎

七月初旬若個熱正為孤臣著奇傑天公網漏終
不疎地軸流分總歸轍陰陽倏變等烟雲隱覲飄
消見雨雪虛空獨轉如轉輪冥漠相將有剗鏗去
歲方窺北斗高今朝忽乘西風滅璇霄曩夜赤城

霞璫宇千秋碧藏血

前後數夜赤霞徧天南望之有鬱怒氣

范綏不

傍蟬冠榮耿介何如雉經決

范公累繫三年竟冠國冠以死介當讀為

介紹之介

尚方匣底龍猶斲下里聲中泉已咽更憶狂

飈酉旦吹旋驚怨氣辛旬結

劉俎以酉日辛旬

樞密競詡

黑頭公

樞密被偽官名

名記應羞白玉缺悔不同興秦國

師無端却遜常山舌池頭樂奏暗傷心大窖旌零

空仗節季布然諾今則無侯嬴秘計竟當折婦女

肝腸儘不同男兒意氣遂輕裂

聞變將萌藩母憤死變後婦女殉節

較多
于男
縱恃移山勢欲旋應憐正素情經湟三韓鶴

喉海青飛七閩鶻啼猩紅啜冥路仙霞逢故人范指

陰房鬼火繫新碣當年捩臂肯同心誤捩劉臂解出范公畫壁

序
轉瞬蛾眉猶可說嚶鳴恁弗附遷喬蜮影終甘

潰蟻穴一劍酬恩雖則難偏言賣友亦何屑亦出范公

自
序清漳葉李咏歸遲捷徑終南勞計拙不識深淵

厲揭人寧辭末路惜乾鰲昭昭不悟待鐘鳴汲汲

垂休任井渫古昔捐生取義殷茲迺事讐銜恩蔑

君親授命豈尋常近遠流芳爭耄耋五柳微風亦
足師三年坐卧並非褻從來利鎖與名韉惟恣窮
竒共饜饜盛世明良金鑑懸清時旻旻冰壺澈醇
深不露丰稜全恥忤由中揚厲切象鼎神奸各賦
形燃犀鬼物莫遺孽睢陽為厲本滅賊檜樹名同
終受批莫訝循環天道疾胥由倚伏人謀抉平居
幸念矢忠貞際變須存好轟烈千秋正氣幾長歌
械鎖香吹尤冠絕食祿投艱引避難傾人利已迴

身暇朝家待士豈云薄海屋輸誠胡自別豪俠奸

頑等性成龍鱗虺蜴並天設填胸請質武夷君偕

作雄風歌駟馘咫尺寒威搖五嶽星河洗盡欃槍

滅武彛閩名山有神曰武彛君范公蒙難以來有
秦寧人許鼎為耿將校心義范公每扶掖照護

之公作武彛
曲以贈之

哭少司馬

范觀公制府閩變死節
三韓朱士傑

慷慨勤王檄昂藏正氣歌竟投夸父杖遺恨魯陽

戈扼吭生何有穿齟憤不磨武彛堪並峙千古共
嗟峨

其二

逆賊終須滅椎心失杲卿三年士論定一死相門
榮天網非疎漏人情急蕩平睢陽遺事在青簡照
孤檠

聞變遙哭制府范侍郎

許旭

天道茫茫理數微英雄詎忍託知幾提矛躍馬心

何壯破浪乘風事已非家國有懷天地隔干戈莫
定信音稀三千里內家家哭豈獨浪江一布衣

其二

迢遞關河斷雁鴻傷心無限夕陽紅回思草檄停
盃處已是橫刀喋血中兩月便從生死隔三山無
復笑言同摩挲燭畔看靴刃一哭今宵寄北風

其三

仙霞井畔路漫漫遙望天南涕淚殘坂折驚心方

躑躅機危間髮敢盤桓

子以二月出署

九原有恨餘青史

三踊何人僅素冠回首同時琴劍客生還獨一董

庭蘭

其四

二月春深雁影稀沙明如雪照寒磯但知鳥逐蒼
崖喚豈料虹隨白日飛客夢霎驚箕尾隔天心潛
覺斗牛非徐無老向山中宿追訴平生淚滿衣

徐無

山名見
田疇傳

丁巳冬再入閩中過范侍郎舊駐兵處

寒溪蕭瑟北風哀重過龍驤舊壘來千里寒雲空
結陣三年碧血未成灰當空雁影愁中度無主梅
花亂後開身逐天南忘歲暮故園回首重徘徊

延津感弔范侍郎

登登青山在眼前可憐此地滿烽煙征濤拍處餘
千里戰壘消來僅一年歲暮陰陽殘臘盡天涯書
劍客愁偏蛟龍風雨延津過回首司空重黯然司空

張華也用
雷煥劍事

戊午春范侍郎家人迎載空旒北歸時予在
楊中丞幕中不能追送望而哭之

三年此地又重來峴首茫茫墮客杯劍履已歸天
上去風煙還見海邊開垂頭僕馬迎空旒含淚賓
朋望舊臺陵谷不殊人事變屠龍射鱖轉生哀

戊午夏日登釣龍臺遙望制府舊署追哭三

首

秋風凜烈一登臺殺魄遙從天上回賊難不勞摩

利護

摩利支天經云王難護我賊難護我水月師手授制府

國殤空抱左徒

哀靈旗半夜歸燕市碧血千秋照海隈絕命萬言
遺恨在長空烈日起晴雷

其二

浩氣三年塞滿空一朝白日貫長虹節毛落盡憐
蘇武爪髮存來哭魯公瘴海自今歸絕徼朝廷有
日卹孤忠老生記灑臨岐泪磨盾猶經五夜同

其三

躡屐重臨遠鎮樓烽烟回首淚交流降王崩角重

為將

是時耿逆領兵住潮州

都護苴茅再拜侯風捲籜飛闕

塞恨雲興蜃變海天秋空餘一片孤臣骨布裘歸
來塋故丘

南州李與偕重至吳門全哭范制府

談笑驚看帶綬光故人今是紫微郎三年書劍征
塵隔千里烟波別夢長雲渺碧天迷葛塢霜凋紅

葉滿吳閶大梁門下同為客執手唏噓淚幾行

夜泊江山縣感懷

日暮荒烟馬背遙驚沙撲面兩蕭蕭空城宿處人
三戶殘角飄來月半宵往事依稀如夢記征衣顛
倒欲魂消白頭南去重趨府知已天涯痛寂寥

哭范觀公

清苑郭 蔡

驚傳閩賊殺忠臣老友心摧血目瞋一死于君原
易事五倫斯世有全人長虹夜結昏江海劫火灰

飛泣鬼神聞道

九重深震悼中朝誰不淚沾巾

甲寅十月十六日聞范覲公閩中消息

不死知君志已違
郎當况復虎狼圍
三更對雪思平祭
萬里因風望采薇
此際何時忘魏國
幾回有夢到萱闈
無衣未許書生賦
老友關干血淚揮

奉挽制府螺山公十首 上海范青

憶送旌麾到百樓
燕南趙北便千秋
思親併作傷

時淚之鎮翻同去

國憂萬里

君門爭咫尺半生家計足浮漚今來重聽蕭蕭水變徵

聲中咽未休

癸巳秋八月送公之閩別於碓縣之南易水上公時多感慨憂時之語比

戊午夏重過其地而聞公櫬已先北歸矣

御衣寬窄趁身輕

天旆花驄蹀躞行羊坂何人悲短馭鯨波欲蹈請長纓

公時唯欲立功海外

兒童競識君侯面魚鳥皆啣故主情過浙

江迎者一
如送者

回首西陵松柏路可憐歸骨竟誰迎籟

稍過人
莫之知

水下牂牁五嶺連漢家南塞故依然怪來莊蹻思
兼楚豈料無諸首事滇半壁支須千仞水中流泛
失一壺船推原禍本憑先見三復當時痛哭篇

節鉞無靈券亦空霜戈揮斷染輪紅封疆事大捐
軀細叱咤聲微罵賊雄縮地安從尋某澤仰天祇
可訴冥鴻

君親有淚揮何處辜負三年飲血中

歲久成髡不醉髡

公在累中
自稱髡翁

亦多瀟灑亦煩寃懷

慚戴履

君兼父貽累綢繆弟及昆月下冰魂燈伴影

雖在幽繫
時有寄懷

花月
之篇

雪中鴻爪炭餘痕

以炭煤畫
壁成稿

爛斑吐盡常山

舌一卷詩成白日昏

登嶂盤谿烟霧霾曳兵臥鼓壘將開軍前未繫降
王組幕下先飛使相灰無路瞻雲歸鶴表何年澆

酒釣龍臺度師枕席空天險似閃靈旂殺魄來

從君而二願何甘祇為生平一事三母在許人仍
孝子身亡不死是奇男窖中節嘆旄全秃畫底容
嗔髮半鬢眼見四凶相舞蹈從容請劍尚懷慙

腸斷淋漓絕命詞四方上下竟安之土花蝕盡紅
殷繡蒼蘚拋殘碧燐疑沙漲射工搖舌喜門扃罔
兩撼環窺人生但得名垂後有骨何須不朽為

丞相原頭落大星飛飛丹旄引前汀死依關塞神

猶鞏哀感山川地亦靈晚笛一聲雲漠漠斷琴何

處碣泠泠幾行未畢平生志留與他人為續銘

戊午

秋莖公骨于懷柔山北
塞下余與執紼之後

宿莽賓朋幾個存蕭條不復舊平津頗聞談虎驚
前轍爭敢呼牛屬後塵夢到青楓長有恨尊開白
月為誰新炙鷄過酌公知否十九人中是一人

哭幕府范司馬

清苑劉可書

開國功名誰荷薪瀋陽家世有奇人光分東壁圖

書富

公弱冠
官中秘

節建西湖桃柳新

出撫兩浙
再遷督閩

自信敬

官成孝子原來厲鬼是忠臣乘風破浪何年事一

夜塵飛閩海濱

其二

星羅碁布拱金甌首禍無端况效尤賴有孤忠甘
百折屹然一柱砥中流偶乘狂颶奔封豕那得終
朝坐沐猴天道好還應不爽幾曾疎網漏吞舟

其三

諸軍北至渡如飛旗鼓山前大合圍捷奏午門宣
已再家書三月望中違孤臣幾化原頭血慈母猶
縫歸日衣黑塞青楓魂路遠可能有夢到萱幃

其四

公幽禁中忽防卒喧傳曰樞密使相訪公
佯問曰是何樞密來訪誰耶及見徐顧防
卒曰原是劉撫軍公械杻被項肘兩卒扶
之下床劉且前且揖方欲有所陳說公奮

足力蹶之劉狼狽失故遂仆地左右掖之
以出公笑曰諸逆無道旋即誅滅余一擊
之力似不可少

迷離側首望旌旗耳畔何人問故知名刺驚傳新
鼎薰衣冠儼附舊龜茲擊凶奮笏睚為裂搗叛揮
旄節可持獨是伴身無一物但憑破革褫頑皮

其五

相看無用更欷歔正氣常存與太虛一夜黑風吹

鬼國三年高枕亦吾廬

李過庭先生取杜句為公題齋額

敝衣破

帽朝元日棘室泥墻拜
歷書劫火何曾灰
勁骨人生到此始無餘

其六

逆忽使人問曰公在杭時聞與水月和尚
曾往來今來聞彼有何言相囑耶公叱曰
吾家世孔孟從不與若輩為緣忠孝大節
豈死生利害所能奪耶即彼緇流稍有識

者亦必以忠孝勸人豈肯妄言禍福歸語
爾主自尋生路無取族滅也

坐破蒲團誰問津垂眉低首憶前因現身說法惟
忠孝覺性長明是子臣妄謂山頭能起浪幾曾海
底會揚塵野狐墮落憑而趣慧業文人自有真

其七

徵書剛自被南荒便欲開門齋盜糧只道蝦前依
水母那知雀後伺螳螂朱浮識鄙遼東豕蘇武名

高海上羊多少受降城下士一時揮淚白雲長

其八

笳聲隱隱鼓闐闐想見孤臣開笑顴犀甲三千臨
瘴海降旗一片赴樓船投鞭但祝公無渡折簡應
知我自然敢說主人不避客并蛙從此始知天

其九

三年一室足塵埃憤逐城頭畫角哀聞說師從六
月出果然碑到百蠻開軍中范老今何在
前度劉

郎剛又來燕麥兔葵空惹恨春風不復越王臺

其十

百年身世會須終常把臣心對碧空總是繁霜摧
勁草肯同落葉舞迴風埋屍原擬龍興寺濺血誰
收虎口中惟有無諸城上月夜深猶照土花紅

其十一

再來四十二春秋住世猶如出世儔

公官中秘時
常靜坐竟日

讀書外一
無嗜好

已解勞生爭似死何妨厚德反為讐

世

爵幾斬文肅公因
其先勞力請延之
老人痛徹千行血少伯難迴一

葉舟說到

君親恩便重可能諸有等空漚

其十二

無問長鞭與短垣須知帷蓋亦

君恩兩朝尚主兄同弟異姓稱王祖到孫環海旌旗雄
趙尉孤舟風雨助章惇可憐戴土生春草夜夜空

山啼斷猿

其十三

軍門鼓角曉塵開
羽扇高張褚彥回
遂有山狙充
劍珮全憑海蜃壯
樓臺誰言獸困身
猶鬪縱化鳩
形眼亦猜寧死祇
憐表景倩石頭城
下水聲哀

其十四

強將優孟飾衣冠
剛得開場興已闌
可笑暴公多
面目那堪叔寶少
心肝誰無一死終
難避各有平生
總不刊欲弔忠魂
何處所青霄明月
滿長安

其十五

中流擊楫小橫汾
歌舞濃時飛彩雲
舊日河山新屬國
再膺茅土故將軍
朝廷祝網原宜濶
俊傑規時果不羣
只是硜硜徇義者
一杯無處覓孤墳

其十六

何處飛空六月霜
孤臣血碧斷雲黃
明珠翠羽來南海
白日青燐覆北邙
豈有操戈讐

共主還令執挺長
降王憑君

密詔求遺骨應薄當年陸賈裝

其十七

時有以不即死議公且譏其制變無術者故拈此

應知天意篤忠貞不死何嘗累子卿直使三年節
益著故教十日餓猶生時逢異變無奇策事有常
經惟至誠始信當時文信國小樓風雨度殘更

其十八 聞公遺骸尚未得共六首

逢人不敢問遺蹤恨到傷心惟拊胸日壓孤岑餘
落照風迴大壑響哀涼看來世界羊腸險何處人

間馬鬣封正氣歌終臣事畢武彛三十六高峰

其十九

知君一死等尋常報國何妨即國殤金玉終須出
墓道衣冠或可永桐鄉魯公爪髮原應異子敬人
琴豈竟亡幾欲招魂招不得青天無語月蒼涼

其二十

慷慨無勞賦大招殘雲兀自住山腰路傍何處麒
麟塚天畔遙看螭螻橋氣挽銀河洗甲冑夢麾金

錢戮鯨梟傳來跨鶴東歸約何日將軍夜度遼

其廿一

驃騎遺營草木深陣雲屯處氣蕭森須臾不定風
塵色萬古常然天地心裹骨豈難尋馬革藏舟原
不問牛涔相逢無限山陽淚慟哭英雄徒滿襟

其廿二

思君幾度夢難安四壁悲風旅夜寒生敢當門真
勁草死猶光國是祥鸞一碑無愧誰題墓百行能

終此蓋棺月落屋梁燈半滅模糊頸血未曾乾

其廿三

碧血當年委碧叢九原今日又春風誰來樵徑歌
晞露祇有松阿棲斷虹十載恩深同杜牧千秋義
重愧臧洪獨憐越徼奇男子

為武彛子
許鼎也

生死孤臣

患難中

其廿四

讀公畫壁諸遺稿得五首

壁稿鈔來如斷銘水聲鳴咽向蘭亭千年浩氣凝
虹白一代忠經續汗青筆陣霜飈摧落籀墨濤高
屋注寒瓴曲終掩卷神猶悸風雨蕭蕭走百靈

其廿五

一字一椎一寸心不知是哭是長吟連聲和淚浮
毫出帶血拖魂透紙深鬼泣大文舒日月人藏點
墨重球琳怪來鏡裏頭鬚白滿屋風霜吹短衿

其廿六

每把遺文即泣然庸奴直是罪通天席前狂士三
過鼓萬里孤魂一縷烟不盡低徊無限意誰能長
誦到終篇客心何事重悽斷落日西風哭杜鵑

其廿七

依稀紙上見鬚眉蔑視羣凶真小兒筆到誅心方
痛快詞當絕命自淋漓只聞山鬼燈前嘯定有湘
娥簾外悲石室人來爭墮淚歸然四壁峴山碑

其廿八

萬里征鴻久未還
霜毫何自照秋顏
詞疑斷缺因
聲咽字類凋殘
是血斑無數
大文藏碧海
偶留片石在
寒山
他年應復求遺稿
莫止青光寫百蠻

其廿九

文肅公真容賜自

內府公自浙涖閩皆恭懸官署朝夕瞻拜
懼變後深以毀棄賊手為憂
畢命時猶囑好義者代為收藏
然宗臣遺像巍然賊見之皆羅拜

不敢犯

元老投簪返碧岑

詔圖黃髮代

丹箴三朝儀表東山屐萬里慙懃寸草心高閣瞻襟
神奕奕空庭留響畫沉沉宗臣遺像人爭肅只是
忠魂一念深

其三十

闕撫劉秉政辱偽職公之死與有力焉事

平勒歸京師所過人爭唾其面行至浙浙
民競以瓦礫投之舟幾覆防守者委曲開
諭始解散得狼狽遁去

中丞節鉞擁歸途可識春明是

帝都此後小心真效順從前大事假糊塗千秋自負奇
男子一路人看莽大夫獨是孤忠范制府

君王每飯即長吁

其三十一

張福建者公部曲也隨公入逆署聞變
刃突圍當者輒斃力竭被執賊愛其勇欲
全之大罵不屈寸磔死

滿眼妖氛事可知漸離髮指羽聲悲
半生拓落千夫長一劍光芒萬馬披
始見張巡真將令果然南八是男兒
只看浴血重圍日怒氣平吞尹子奇

其三十二

公舊從王道隆奉使金陵返至延平聞變

持刀大呼自斷其頸未殊復挺刀剖腹而死

生平不敢薄人奴若輩從來有丈夫率爾徑行憑血性等閒欲擲是頭顱三封事主猶無賴下走酬恩竟有餘抽刃大呼聲愈厲可憐一刺未全殊

其三十三

公畢命時幕屬及厩下吏皆爭死無一人乞降者賊聚一坑瘞之

丈夫視死等加餐五十三人共一棺豈盡讀書明
道義但知報主有心肝魂歸瘴海七千路氣捲鐔
州廿二灘共道田橫能得士獨憐杜牧尚平安

其三十四

秦寧許鼎克耿精忠護衛公被禁時差司
監守鼎見公不屈狀心義之有所需皆委
曲力致公集中所載武彛歌蓋指鼎也公
被害前一日鼎預知秘治容骸小柩藏于

家及俾往焚化鼎伏山麓中一晝夜潛收
遺骨負之而歸為位設祭納于裨中人迄
無知者

矢心九死志靡渝此日欣然遂故吾玉碎何妨同
瓦礫金鎔到底是銀鍔老人病哭潛收血遺體全
歸謾結蒲千載高風追殺甫白虹長亘海天隅

其三十五

鼎負公骸于康熙丁巳年七月初八日潛

行赴北

風雨瀟瀟載客還，傷心孤侶淚潛潛。
七千閩海芙蓉洞，十八遼城木葉山。
遠浦漁燈吹鬼火，斷橋霜月下危湍。
猿啼徹，仙霞路也抵班生入關。

其三十六

西湖舊主臥扁舟，忽漫重來此舊遊。
一切從今皆

解脫

有人為公作隱語

更於何處作勾留

公為湖心亭留題勾留處三字

雲封孤嶂煙霞幻，雁印寒潭蘆荻秋。
只有民情同

卷九
畏壘家家淚眼望東甌

其三十七

公樞至東臯東臯為丈肅公別業每燕息

時集親朋子姪輩觴詠于此

息影乾坤抱甕亭

抱甕東臯亭名也程其相先生題額

主人仙馭忽

重經長松溜響吟霜徑病鶴含悽梳短翎家國無

歸三載恨身名同史萬年青依然元老明農日蘭

玉森森比過庭

其三十八

公樞奉

特旨受弔于賜第

大義偏能感道途
爭看烈骨入

皇都一生至性完
天地未死人心盡
董狐丹旒低空雲
欲斷素車近土淚
應枯蕭然一革行
埋玉百喙難
騰薏苡珠

其三十九

公樞抵第之明日

上親遣內大臣佟暨侍從廿餘員齎大官茶酒哭奠几
筵哀動左右凡范氏親朋族黨無不感激

揮涕

勲舊聯鑣馳錦韉口啣

天語淚潸然瓊醪清挹金莖露瑞草香分玉井蓮剩有
餘哀榮死後毫無遺憾負生前孤臣骨朽心猶醉
滴滴應知到九泉

其四十

諸逆赴曹公冢嗣時崇大呼賊名手刃寸
礫之血濡袍袖見者無不嘖嘖

檻車匝路盡王侯繫頸標名揭罪由不向夜郎雄
海外却從廷尉望山頭

天王奉法申常憲人子提刀報父讐十載立庭揮血淚
血花今日濺霜裘

其四十一

相看不覺首重搔
天網何曾漏爾曹
癡肉頓分食
例盡饑烏爭
下噪聲高罪浮十世
南山竹籜燭通
宵西市膏可惜
千秋執簡者姓名也
自點霜毫

其四十二

當年一礮突狼煙
隔斷仙霞路幾千
不謂鷄聲催
短夢還于馬腹及
長鞭看來逝水終
歸海那得浮
雲常滿天
誤謂金多須有用
到頭不值一文錢

其四十三

上悼公忠烈子祭營塋賜謚任子概從優厚至

御製豐碑

親揮宸翰尤為古今曠典

陸梁羣醜敢連兵自古王師類有征伐叛

宸謀欣破竹褒忠

特典愧偷生礮碑誰更

親題墓錫器何如得易名文肅已符文正後忠宣應復

見忠貞

其四十四

淋漓

御墨降麟洲一路松濤走玉蚪紫氣千尋橫碧落青泥
百字搨銀鈎空山風雨驅神鬼永夜星文薄斗牛
還似親承五色

詔從容捧出鳳池頭

其四十五

玉樹亭亭孰與京謝庭原有舊家聲椒蘭到死香

猶烈桃李無言蹊自成只道親嚴憐子孝元來主
聖念臣貞

君恩祖德均難報好守遺言圖令名

其四十六

公卜期窀穸余自以辱在舊知用敢虞歌
周道然殊不自量也

越嶠歸來剩此丘國華家乘又何求雲連白石開
新兆地近紅螺是舊遊東閣觀梅寒抱玉西湖明

月靜依秋山阿零落歸何處萬木蕭蕭客白頭

其四十七

風雨一燈總帳孤故人飲泣愧生芻川原應待賢
愚盡魂魄誰分聚歛殊遼海何年棲舊表西州此
日悵岐途老生苦憶雄關次執手丁寧作後圖

其四十八

再過西園感舊

松臺四望意茫茫猶謂伊人水一方屋角如存石

骨瘦牆隈空憶棗花香斷橋有板蒼苔厚卧柳無
枝野菜黃回首不知日欲暮乾坤終古有斜陽

其四十九

十年誰與共徜徉二仲悽然三逕荒蠹網吾廬

吾廬

公讀
書處

懸墨帳塵堆止水

止水
泉名

沒銀床草煙着雨

低殘砌燕翼將雛上敗梁醉後抱頭看月色戍樓
鼓角月中長

其五十

公八

覲余就晤于雒州旅次從此遂成永訣雒州舊名瓦橋

關

十載幽并慰寂寥吳山忽倦馬蹄遙還君相府笑

蓉幕老我衡門椰子瓢

覲闕琴書經下里連床風雨話中宵那知一別成今古

猶謂銷魂在瓦橋

范忠貞集卷九

欽定四庫全書

范忠貞集卷十

清苑劉可書編

誄章

大學士李蔚大學士馮溥工部尚書陳凱水戶
部左侍郎魏象樞戶部右侍郎嚴沆工部右侍
郎田六善學士李天馥翰林院掌院學士陳廷
敬通政司左通政楊雍建謹以剛鬣系毛致祭

於

總督福建少司馬范公之靈曰嗚呼后獻作忠相
賢教孝無忝綱常聿振名教維蘭斯摧彌煽其芳
維玉斯折彌炤其光緬自宗臣兆基攸贊

皇運誕昌大猷丕煥端宅百揆體國彰訓盟府載勲奕
奕令聞我公嗣之粹潔宏深砥行邁德夙規夜箴
釋禍于廟名蓋天祿石室有藏況心三復在

帝左右

寵命光輝溫溫軌度純素弗違股肱肆力授以節鉞
巖巖瀾瀾仁風扇越靡梗不化士戢民和維江有
潮恬矣無波予衷云瘁懼墮令圖萬口乞留拜

命曰俞顧我閩疆逋寇于海弓矢專征

帝心簡在侍食御床

天衣出賜虎拜稽首臣心勿二揚旆仙霞蠻灘瘴霧
猛虎毒蛇叱馭不顧深謀碩畫屢封

奏章奮其虎旅遏彼鬼方灼灼丹衷皎皎如日軍中

一范方召克匹蓮花幕清細柳營寒賓客廝養髮
上指冠波振川騰雲頽塵散昂首矯飛嗟無羽翰
臣力既竭膏鼎實甘芒芒八閩赫赫一男懷炭壁
畫金玉聒字荔枝垂實三易歲月陰房沉沉慘風
颼颼檢我御歷吉月必朝武彛一曲颼薇汗簡河
嶽不磨日星其旣忠清而仁從容爾雅舉室如歸
燐青碧化骨隨烟滅名逐颼興誰裏馬革神之所
憑驂虬在天雲旗騰趙爾公爾侯載色載笑屬念

君父浩氣未往邦國殄瘁斯民何仰齊晏秦良隕殂可
哀矧如我公泰山其頽忍痛掩涕霑襟浪浪歸反
故室酌茲清涼為世坊表先民大節頑廉立懦不
磷不涅聖曰吾徒

帝曰吾臣荒埏幽隴久而愈新望彼松嶠歆我椒酒
歸乎藏乎自古皆有

太子太傅禮部尚書保和殿大學士杜立德吏
部尚書郝惟訥戶部尚書梁清標兵部尚書王

熙候補尚書朱之弼吏部左侍郎管右侍郎事
兼翰林學士張士甄禮部左侍郎兼翰林院學
士楊正中都察院左副都御史劉捷通政使司
通政使袁懋德詹事府少詹兼翰林院侍講學
士蘇宣化翰林院侍讀學士蔣弘道兵部督捕
理事官張永祺太常寺少卿劉如漢鴻臚寺卿
趙之符翰林院侍讀杜鎮石春坊右諭德兼翰
林院修撰祖文謨翰林院編修劉芳喆朱世熙

翁叔元庶吉士楊爾淑兵科給事中姚祖頊四
川道監察御史魏雙鳳江西道監察御史何鳳
岐陝西道監察御史傅廷俊戶部山東司郎中
劉梅員外郎李其凝主事高緝睿江南司主事
連國柱兵部督捕司主事李含春工部虞衡司
主事劉霖張衡都水司員外郎成光中書科中
書舍人裴充美內閣中書舍人裴充珮謹以剛
鬚系毛致祭於

總督福建少司馬范公之靈曰嗚呼以天為無意
人國乎雖當陽九百六之際光岳之氣未嘗不合
也山川之雲未嘗不出也扶危定傾之材未嘗絕
于世也謀王斷國之士未嘗不接踵於朝也以天
為有意人國乎畀之以賢才授之以柄用臣既遇
其君君亦重其臣而事出非常變生不測奸邪小
人盤互肘腋握拳透爪啣齒斷齧吾每觀顏真卿
文文山之死生輒為之填胸撫膺且憤且悲不意

于覲翁范老先生見之此予輩今日祭公之靈忍
淚執筆嘆窮而繼之以泣也公之

先太傅抒忠累朝公以元勳子弟入則扈蹕出則
讀書王子濱洛之歲正楊億登第之年氣蘊風雲
身負日月立行可模置言成範此公之功見於翰
苑者也既而

皇情眷眷慮深求莫撫軍兩浙任切關河全趙之炫服
叢臺方此為劣臨淄之揮汗成雨曾何足稱公下

車而除墨吏捕營蠹崇禮義以最君子振平惠以
字小人勘荒之日請賑請蠲水滙山陬心勞神憊
邑人不聞夜吠之犬牧者不睹晨飲之羊譽表六
條恩沾萬姓此公之功見於兩浙者也嗚呼孰意
微臣之病未痊而聞督之

命已下乎當公

陞見之日

天子解衣錫良馬恩禮稠渥公已拚七尺軀為

國家辦封疆矣況閩疆萬里遠隔天末椎埋穿掘之
黨千百成羣狐假虎翼之奸曾莫禁禦累藩咸受
其弊歷政所不能裁加以島賊窺窬伺我疆索北
風未起舳艫便以南侵野草將哀嚴城于焉早閉
雖智若良平勇如賁育亦難展措孰意撤藩之日
即公捐軀致命之時哉然公承

天子命驅馬原隰卷甲遄征威令首途仁風載路請展
界以安民請撥餉以安兵請補額以實營伍請重

安插以清海澨請巡海以調禦防請聯保甲以儲
鄉勇此所以暗落其爪牙陰入我絳錠而天不我
予同志無人遂及于難嗚呼公以一身殉國以列
疏報君雖伏尸暴骨身填草野丹心血誠披瀝滲
漉猶耿耿于敗楮渝墨之間霽雲乞師之憤誰為
啗指于生前賊洪同日之悲疇將執手于地下一
夫九首魚鱗沉沉顧此七百餘日之中雖真鄉之
龍興文山之燕市殆無以過也纖兒壬夫營私反

側以閩疆為窟穴以藩鎮為網羅始以公為首事
之階則公不得死繼以公為謝過之地則公又不
得不死而公之死也以自序當籲天之疏以長歌
為別友之文迄于今

丹書再錫青簡重光廟蠹豐碑

天章寵賚公之心亦可鑒于天下萬世矣公復何憾
矣哉余輩今日之于公也故不為楚些之哀吟悲
郢之常調而直序其顛末如此公知乎公其無知

乎嗚呼哀哉尚

饗

總督雲南貴州等處地方軍務兼理糧餉兵部
尚書兼都察院右副都御史加從一品今養病
眷弟卞三元率男起居注主事永式翰林院庶
吉士永寧謹以剛鬣彙毛致祭於

總督福建少司馬范公之靈曰慨自成仁取義之
學不明而士大夫始願為良臣不願為忠臣以飾

其保家營私之智求其丹心化碧白氣成虹者蓋
曠世而一見矣不知忠良一道也能為臯夔稷契
即能為龍逢比干當其生而功施于朝澤沛于野
則生賢于死當其死而綱常以正名教以扶則死
賢于生若張許兩顏以及文謝諸公豈愛死而惡
生哉惟見義精求仁決生應川嶽之靈死配郊壇
之位故名留天壤節貫古今以其死為榮如公尤
表表者也公于大司馬為順孫于太傅公為肖子

則得于家學者素公在侍從有不次之遷于

陞辭有溫言之諭則受于

國恩者厚其撫越也風俗為之丕變飢饉為之不驚
則蒼生之倚賴者實深其賜見也疾則頒尚方之
藥出則解御服之裘則朝廷之寄托者更重公安
可以死而公竟死矣公不止以一身殉國而能使
幕容從容臧獲激烈其長者留漢廐以俟田橫其
下者率潭吏以從李芾吁何其壯哉

天子聖神四郊無壘而逆滇忽爾肆惡假令疆場戮力
何難滅此朝食乃一方震動粵閩隨聲此時即有
一二臣工捐軀盡瘁而守土者率皆徘徊觀望以
為雲霾之曠不日旋消我姑養其身以鼓舞太平
坐觀鏡吹而此念一萌勉圖後補以此較彼必有
辨之者故公死而人思悔過士盡投誠不逾年海
波清晏陬筵靖安則公之一死足以感動羣情嘿
扶

國運也夫人誰不死或牖下死或馬革死或患難憂慮死或愧悔不寧死或五日不汗死或爪蒂噴鼻死及其死也鼙鼙嘯其旁樵牧遊其上錫朋莫惜國史泯然迴思昔年竟無一善可以長留世間則死亦為不幸矣公拘繫三載械鎖郎當啜血裂背旁觀嘆息一言一字可泣鬼神造宗社衽席之安增山河帶礪之色由今以思啣齒穿齧更韻于引商激羽也斧鎖縲紲更貴于錦衣狐裘也畫炭成

書挑煤作字更香于陸海潘江史籀斯篆也座客
之遺詩賢于凝碧池頭之句婢僕之姓氏愈于天
祿閣上之投也人生自古誰無死留取丹心照汗
青公之謂矣公既與張顏文謝比烈則死應為神
余辱交最深于其祭也做昌黎之祀柳州者為迎
神送神之曲俾世世歌之辭曰茶水黑兮風腥雲
淡淡兮雨冥冥公之來兮不驚乘玉麟駕瑤鯨撫
長劍兮悲填膺顧吾民兮笑與顰并又曰醫巫閭

兮會稽靈之遊兮山曲水洎公今去兮何歸排闥
闔兮騎箕扶獨狂兮捐魑夔東方昇兮日照桑榆
君之來兮孔蓋雲旗奠椒漿兮贊玉盞歌楚些兮
陰風颺待公不來兮心孔悲山之高兮水瀾瀾又
曰穹碑兮巋巋

天書璀璨兮表厥爵里臣之心兮誓以死逆人不靖兮
陷於絀縲欽拳兮卽當閱時三載兮臣節彌彰從
張許兮慨慷公之忠兮扶植綱常

工部侍郎內閣學士周天成率男世俊眷晚生
陶熙謹以剛鬚柔毛致祭于

總督福建少司馬范公之靈曰嗚呼自閩疆恢復
以來士民商賈至京者每傳公之從容就義百折
不回後得傳來畫壁自序內云求死不易諷讀再
三不禁涕泗橫流撫膺痛哭而不能自己也嗚呼
痛哉若我覲公者真不愧為

太傅公之子矣夫人之死生孰不有數然死有輕

如鴻毛或重如泰山者蓋所重在此則所輕在彼也近日之世道人心若江河之東流日漸趨下求其能維持世道鼓勵人心者千百年以來不可多見如公者真可為國之忠臣家之孝子矣方公之奉

命督閩也與余握手言別慷慨籌時固已知王事靡盬不遑將母矣然豈意此一別也遂成永訣也耶夫公之精誠足以格

皇上之知遇而不能迴屢辭之

成命足以使海外之人民向風慕義而不能消除反
側之心足以使相從之賓客戚友健免僕隸輩感
公之仁服公之義相率視死如歸而不能使閩之
鰥寡孤獨征夫甲士免于鋒鏑之苦蓋公之所能
者誠也所不能者數也豈定數雖精誠無可如何
耶嗚呼痛哉以公之才之德而不能在朝為臯夔
為稷契紹

太傅公之豐功盛烈而使遠去閩海僅為張睢陽
之齒顏常山之舌抗節殉難也悠悠蒼天謂之何
哉迄今奉

旨歸塋閩浙之人香花楮帛載道悲鳴如喪考妣洵忠
孝之模楷邦家之光烈已視彼高牙大纛矜耀一
時臨難而奴顏婢膝偷生朝夕者果何如哉公亦
可以自慰矣

原任編修年家眷侍生沈世奕率姪男監督京

倉昇初安慶府儒學訓導旦初庶吉士旭初監
生朝初中書舍人曾頤謹以清酌庶羞致祭于
總督福建少司馬范公之靈曰嗚呼自古迄今為
名臣為良臣為忠臣其亦有幸不幸哉拓疆定宇
銘勲竹帛名臣也賡颺太平留薇史書良臣也仗
義不回抗志盡節忠臣也古無有一人兼之者兼
之者自公始公為太傅公夫子之嗣當夫子佐

先皇帝創大業戡定海內居首揆者十餘年壬辰以公

年少捷南宮入館選文章氣誼衣被天下凡

朝廷大典禮大著作得公言雖老成宿耆咸嘆為莫及也蘇頲之風華實儀之清介公無愧焉公於是時可謂良臣未幾以學士膺

簡命撫兩浙浙繁疆其俗悍其民刁其盜賊城伏而山鬪公下車甫期而俗習純民訟息盜賊乘墉竊發者至賣刀劍而買牛犢而浙大治公於是時可謂名臣先是督臣治兵撫臣治民

皇帝十有三年以撫臣兼領戎事而各省撫臣以勲名
上聞者惟浙治最故特

旨命撫治八閩重公權也公拜

表驅車莅治匝月而簡兵勢課農桑汰冗卒除苛禁
濱海郡邑喁喁嚮化公撫循之以紓

天子南顧憂誠今之方叔召虎哉獨閩地濱海游氛未
靖驕兵悍卒乘釁竊發乙卯三月之變遂羣起而
甘心于公嗟乎斯時也強鄰虢踞悍帥狼呼海水

羣飛三山土解獨我公以孤危之巡遠作被繫之
常山灑衣之血雖飛擊賊之笏已裂大星隕地白
虹貫天從容就義視死如歸古之忠臣殉國寧復
過哉越二年而全閩底定公之耗始聞公誠無負
於國無負於家無負於科名矣奕以乙未館選恒
受教於

太傅夫子之門與難兄冑卿難弟蘇公諸昆季朝
夕過從於公則世誼也且戚屬於范於公又姻婭

馬每來京師

太傅不以微末而進之遂得負劍辟咤於公仰公之道誼服公之勲名而今乃得濯濯焉言公之大節若此嗟乎公幸而為臯稷不幸而為龍箕幸而為房杜不幸而為巡遠幸而為韓魏不幸而為張陸凡古之為良臣為名臣為忠臣者公以一身兼之公雖歿可以無愧矣予屏迹里居不能效為位之哭遠命旭兒以生芻魯酒造總帷而致奠焉且

鍾山先生集 卷十
陳一言以代蒿里之慟虞殯之歌公而有知當鑒
予言而來侑乎

年家晚學生沈澍同弟沈上浚沈上錦率制姪
沈維賢維德維新維寧等謹以清酌庶羞之儀
致祭于

總督福建少司馬范公之靈曰嗚呼名世挺生曰
忠與良遇變則忠處順維良岳崩星殞變出非常
為國為民汨雨其滂忠公世裔開國元勳家聲奕

葉九戟十輪桓劉父子禮樂世敦李吳兄弟韜畧
夙聞誕生我公登

朝弱冠金馬玉堂名高翰苑簪筆木天鳳視虎觀相
業趨庭箕裘早辦出撫兩浙德化若神人望霓雨
公澤陽春禦災捍患疲已福民載道口碑戶祝家
吟爰蒙特簡晉督閩中德澤普被悉與浙同謳歌
遍布白叟黃童願公久任永茂如松夫何一旦變
起不測泰山可頽白日欲匿嚙齒握拳噬肯從逆

遂被拘囚寒暑三易諸苦備嘗和詩維百視死如
飴心同鐵石文山叠山義至仁全一時殉難濟濟
多賢我弟上

章命不苟延國士報公追隨九泉斯風不朽懦立頑
廉澍等雲間布衣地聯浙治躬親德化乃在我世
幸弟入幕登拜有地公忽乘箕仰止何自柱傾維
裂哲人其亡躬雖殞矣名乃愈揚天地同久日月
爭光一身擔荷萬古綱常嗚呼哀哉生為名臣羣

黎徧德歿而盡忠倫紀是植氣壯山河神遊八極
遂有千秋何憾一息敬陳忱悃維香及卮磨鏡致弔
披瀝些辭瞻仰靈幃拜而薦之為天下慟兼哭我
私哀哉尚

饗

巡視西城監察御史色克德浙江道監察御史
胡三祝謹以剛鬣柔毛致祭于

總督福建少司馬范公之靈曰嗚呼天地有正氣

必賴人以秉持扶植于其間而後能壽河嶽而光
日月故時平則正色立朝際艱則捐軀殉國忠良
無二道也方公以勲舊喬入侍宿衛登秘閣結契
兩朝開府越土吏畏威而民懷德濟濟乎臯夔稷契
之流亞也暨乎膺閩疆之寄變起倉猝智不暇發
勇不暇決遂以區區一身拒大難而表大節夫常
山斷舌睢陽啣齒千古而下赫赫猶有生氣人生
苦不得其死死亦何患然而公之所以處此者蓋

極難耳當公初蒞事時實營伍飭保甲明激勸慰
瘡痍清山海散島衆一切經營救弊之策非不深
且遠也假使公得嵩城建牙倡明大義據搃吭拊
背之勢則可以不死假使公有同心僚友密謀決
策機不中泄而事獲先發則可以不死假使公鎮
撫既久德化既洽民心既固兵氣既肅猝然有事
若父母之呼子弟則亦可以不死然而公卒死者
豈劫火方炎數窮陽九而公實當其厄運耶抑天

特以忠孝節烈之事任之公使風天下而激後世
耶聞公自遘患以後羈紲者且三載晦朔已屢遷
寒暑復幾更草木之榮落虫鳥之毳革且數變易
于耳目間無論室家利祿之念可以展轉傷心即
有纖毫困辱憂懼之見一萌乎中必至紛紜回惑
而不能忍自非體道篤而見義決其孰能從容就
義而視死如歸者哉昔者

世祖章皇帝時督撫必以時巡行屬郡察山川險易訪

民間疾苦核下吏賢不肖以故權能統攝而奸無
窟數自中丞不按部僅如郡牧守宥居一城耳猝
有不測强者一發弱者莫制公遂以智深勇沉
之身止與孫許同節而弗克若新建之檄各郡以
靖變難傷哉痛哉余讀公畫壁自序未嘗不推案
而涕泣也今世路方清伏莽將盡公觀歸京邸

天子命大臣詣第哭奠撤

御前金椀以酬用顯公魂哀痛感過路此固

聖主之激厲風節乎亦足以見公之名赫赫天壤間矣
公復奚憾哉余之先君子受知于

太傅公而予以後起亦獲侍公同朝既公建節武
林余復以視醜至素心相期惟在道義於公之歿
也余何敢作兒女悲顧深服公之忠壯大節為百
世師而嚮往九原私心又不能無惻怛也哀哉尚
饗

雲南布政司王繼文分守關南道與永朝謹以

剛鬣柔毛致祭于

總督福建少司馬范公之靈曰嗚呼世之言象賢
濟美不曰伊陟則曰望後先相望稱勿替矣迨
希文父子聲施有宋視伊呂稱嗣響焉不意千百
年後而能繩其祖武今古輝映如我

太傅文肅公為之父而有少司馬螺山先生為之
子也則文正公之後有忠宣文肅之後有螺山真
所謂後先相望世濟其美者歟然文肅公以佐命

元臣削平海宇為我

清正萬年大一統之業戡定膚勲視希文守成承平補
偏救敝不無難易忠宣憂讒畏譏雖頻瀕于險視
螺山之百折不回九死靡渝其所處之時之勢則
又有大相徑庭者焉嗚呼必如我螺山先生始不
愧為

文肅公之令子矣始不愧為文正忠宣之裔孫矣
真所謂後先相望世濟其美者歟至螺山表表大

節他日著之

國史則國史生香載之家乘則家乘增美談之鄉里
則鄉里分榮傳之天下則天下之人皆能口誦之
心維之無不飲泣揮涕嘆為千百世間所僅有之
奇節至烈余雖欲臚列一二其又何能更僕不飾
之辭侑以雞絮公靈爽在天尚其鑒于鄙衷

眷世弟洪士銘謹以剛鬚柔毛致祭於

總督福建少司馬范老公祖之靈曰嗚呼公其可

以逝耶維天有星公固星之歲也歲星明而萬國
屢豐公則隱矣也有河嶽公固嶽崧高而河海宿
也羣望于焉拱向江漢于焉滙宗公則頽而潛矣
夫惟其降精而作配也生有自來故應昌期荷

帝眷而文章遭遇動出非常作用猷為炯垂奕世是以
兩朝贊翊光昭史冊越閩屯蹇大著經綸則公之生
固所以成一代風雲弘萬方霖雨而具有生也為
不偶亦惟其隱曜而頽潛也逝有所為故遭盛隆

歷險阻雖境遇不齊處心惟一歲月彌久閱操彌
貞則公之逝也關運會升降植萬古綱常而其逝
也為不朽不朽者何立德立言立功公之德則父
子作求矣公之功則閩浙永賴矣公之言則正氣
長歌矣然則公雖逝未嘗逝也不偶者何曰勲曰
勞曰伐曰閱公之勲世莫社稷矣公之勞世司論
獻矣公之伐世表東海躬勤南服矣公之閱對揚

四帝弼亮

兩朝矣矧卒以志節竟是公之逝賢於生也我聞在昔宜望歸而周興蕭張用而漢熾段顏奮而唐延趙李存而宋固公又可生不可逝已嗚呼公知自重其生以有為故虺羸偃息不以趨順為敬而密勿靖共必致其君於堯舜公惟不自愛其生以殉國故革路藍縷豆區釜鍾以甦浙民捋荼蓄租卒瘞盡瘁以救閩弊而見危致命成仁取義不必其身為禹臯公惟不苟處其逝故雖絕文山之粒鼓

常山之舌必借節義以歸全天惟欲善公之逝以
長存其生故不逝公於甘露果恩之日而逝公於
雪夜淮蔡之頃不逝公於倉皇激烈之會而逝公
於嘯歌從容之後間且戚屬殉難百夫景從義士
同心萬里歸瘞壁上千言麟經並旨浩歌四袞風
雅希聲公膏此以逝亦云富矣荷我

皇上郊迎有念莅祭有典卹孤有悼輟游有詔公奉此
以逝亦云榮矣嗚呼公之未可逝者闕天下安危

之數四方治否之機而公之皎然以逝者示千古
綱常之正立萬夫庶恥之防顧天下民望公如望
歲馬天下士仰公如喬嶽馬天下師旅吏士山林
草澤之衆望公以順流容蓄馬公終不可以逝也
而悖天道違帝命絕人紀辜民望摧士氣欲盡驅
山林草澤萃為已淵數者必欲逝公而後快公亦
遂殺身報國見危授命歷百折而不悔不可逝者
而竟長逝而不返也嗚呼痛哉尚饗

清死弟郭荼為文焚于柩前曰嗚呼

范二丈死矣乎初聞閩變時荼逆知公必有此一日也知公必不從賊必激烈而罵賊賊必憤恨而殺公也繼聞公果不從賊果激烈而罵賊賊乃不即殺公而幽拘之荼于是哭之兩日夜繼聞不食六日而死又曰七日而不死荼于是哭之一日夜繼又聞公之部曲將某者密結賊巢中之不心附賊者圖賊以反正謀出公於禁室其事洩遇害因

及公荼于是哭之竟日繼乃聞公死其害公之人
害公之地與日月鑿鑿乎可指矣荼于是與公之
諸弟哭之半日嗚呼聞公凶問之早也哭何以
長聞公凶問之遲也哭何以短荼之心公之知也
奚至今日而縷覲以告公乃復不禁其縷覲者非
第為公告也古來忠臣烈士轟轟烈烈者如顏魯
公如段太尉抗節不屈罵賊擊賊以至絕脰斷舌
而死迄今讀兩公傳者孰不嘆以泣使公而死與

等也不過與二公而三耳荼以是日以繼日夜以繼夜而哭蘇武陷漠北吞羶醬雪備極苦辛及生還漢以特牲告諸廟千古隻傳使公而與武同也不過並武而兩耳荼以是哭之一日夜李懷光反唐石演芬使其客從賊中詣行在告之約師來已內應客不密而演芬死使公之部將似演芬也雖既及公不過與演芬同惜耳荼以是竟日而哭卒乃聞公被執時渠逆不敢親見公公對其座罵對

其黨罵一日一夜吻燥舌乾而賊不遽加害及欽
拳被體九鎖卽當公仆地下喉齒間猶錯錯有聲
是不必斷舌也而烈于顏不必擲笏也而憤于段
被執之歲月公少于武者十三年然武堅而公憤
也武嚴而公貞也武念念圖歸而公心心矢死也
愍于武矣演芬為懷光義子憤懷光負股肱之任
也亦不顧心腹之託公之部將則反正也其事雖
不成天地皆震動逾于演芬者數倍矣嗚呼世之

人讀書考古遇忠孝節烈之美未嘗不思效之恒
千百人不足以效一人公乃以一死而兼數美真
可謂孤行于天地橫絕于古今者乎公蓋未嘗死
也庸第未嘗死宛然生也且適然長生也夫人之
哭哭死者耳詎曰哭生詎曰哭長生荼之對公諸
弟哭之半日得無見哂于冥冥乎頃于柩至之日
荼又迎而慟焉此則何也荼與公三十年肺腑之
交道義之契平生久要各期有所豎立于天壤間

原不欲靡靡而生泯泯而死公而今邈乎其不可
追也荼寧不自愧乎愧于公寧不哭公甚愧于公
所以慟哭公而今而後荼不復哭矣忽而哭之兩
日夜忽而哭之一日夜忽而哭之半日忽而徑不
哭荼豈狂人病子乎荼之心公之知也嗚呼荼愧
矣荼愧公矣

愚表兄李之粹表弟李之華壻李維翰謹以剛
鬣柔毛致祭於

覲公表弟之靈曰嗚呼余於表弟之抗節而死也
不禁幾為西州之慟也蓋哭吾覲公弟則哭吾

文肅公舅父也舅父撫余兄弟如子覲公則凡視
余而弟畜余季今其匱將行矣余越在官守不克
執紼以導廣輶擬修誄者之詞使余季告於靈幙
之次嗚呼筆未下而不覺淚已淫於紙也蓋哭吾
覲公弟則哭吾

文肅公舅父也方舅父之住世也以開

國元勳

賜間別第余時同伯子曹卿表兄及覲公諸昆仲侍
杖履承顏色聆提命其或命之坐也則以茵蓋視
甥與子均也以故鶯堤柳陌東墅飛觴詩社文規
西園坐月雖小風雨未敢寒也舅父聞之則懼甚
嗣余有四方之役舅父以丙午之歲遽騎箕以升
及余歸來僅撫棺一慟而屬纊之時未得一啓手
足一親含殮其終天之恨與怙我者又何殊焉迨

後比出彼入宦輒靡常視平日聚首之懽已有今
昔之異然郵筒往來猶可以歲時計也而孰意變
故陡發駭天慘地其生死離合之痛遂至今日如
是之甚哉故余哭吾覲公弟則哭吾文肅公舅父
也去秋九月中旬靖藩復効革面余奉

檄巡視閩驛因潛為覲公歸骨計然自仙霞以抵三
山其孑遺之潛伏山谷者詢以故總督事則惟有
揮淚滿面而遺骸迄不可問然余讀覲公遺稿中

有所謂武夷子者遂心儀其人第勢在倥傯不便
推問時閩中所遺僕人婦女輩尚百有餘人余痛
其無依且恐多糜公帑因買舟載之歸嗚呼沙明
水淺夜靜風寒其悲悼故主也聲與霜角爭哀其
怒詛仇人也氣與丹楓偕碎維時有同逆者其舟
適相上下欲就不敢欲避不能但閉窗固纜以聽
余痛悼之餘竟不覺為之掀髯一快八月十五日
余復奉有查塘之檄舟行不數十里忽心動不可

支遽命返署而所謂武夷子者適在門焉亟進詢
之覲公之遺骸至矣余不覺失聲大慟曰覲公遂
至於此哉因立遣幹僕偕武夷君北上比至時不
四五日而家人舟亦至先是覲公被執時絕粒至
八日困憊昏憤其辮髮遂為左右防視者所斷覲
公憤恨之情形之於詞因並歲時所剪指爪合而
藏之覓便命家人收貯蓋自分必死其骸骨必為
敵人所毀棄而此僅存之爪髮或可歸附於先人

之隴也家人故廢閤賊不為防舟至時爪髮亦達
馬而窞窞之期遂與遺骸並厝嗚呼方逆之致死
力於覲公也蠱毒所極亦何所不至而不意覲公
之骸骨依然在也覲公之爪髮依然在也全而受
全而歸也賊亦如我覲公何哉雖
褒忠之典不無少稽而

主聖臣忠久已

簡在覲公亦真可無憾第匪行有日而

堂上霜慈尚有知有未知焉其知者氣盡血枯方
痛其子之死有餘慘而不知者千籌百念還冀其
子之萬一歸來此種苦趣其何堪耶回憶東墅飛
觴西園坐月之時真同隔世此所以哭吾覲公弟
則哭吾

文肅公舅父也

門下舊屬慶都趙之鼎謹以庶羞香楮之儀敬
告于

覲翁范老夫子之靈曰世之言感恩者輒矢之石
爛海枯世之言赴義者輒矢之陷胸灑血鼎于公
殆將何如哉公之殉節封疆也如星隕天如嶽頽
地茫茫六合浩浩長存鼎雖欲勉事揄揚猶之乎
灸日以加紅浴月以加白也獨是鼎始綰半通投
跡越嶠田荒丁散賦重糧逋民于斯際如居敗屋
面面皆風如負積痛節節是病吏于此時如衣敗
絮行荆棘中動即牽碍不可振拔鼎欲自劾去者

屢矣不謂公哀此痺人遂及勞吏具剡者原未識
面受知者並未呈身迨鼎視醜循海再續舊遊而
公莖血段髯遂傳函問六橋新柳猶欣向日之榮
三竺高松如見凌霜之槩湖西漾勾留之字孤山
殞處士之魂而北海云亡東平告盡徒騎傳餘藁
驛奏留書而已嗚呼痛哉鼎將何以為心哉夫玄
冬雪虐松節彌堅黑夜風盲草心獨勁公之素履
固已自矢顧幕下諸生庭前臧獲詎知大義或解

偷生乃皆奮節捐軀見危致命是知殺身取義摧
逆賊之鋒立懦廉頑鼓士民之氣

王師南下奠定八閩念公殉節封疆爰舉

褒崇曠典豐碑巖巖長昭

御筆之光牢醴紛羅特出

上方之供公可謂生也有為死也得所矣鼎筮仕越
江備員字下念名棠之蔽芾哭也有懷歌楚些而
淒涼魂兮不返嗚呼痛哉鼎將何以為心哉尚饗

門下士許旭謹揮涕作文昭告于

總督福建少司馬范公之靈曰嗚呼旭之遇我公也則以辛亥之冬善伯魏子以得計善退委其事而去予時初離章句錐刀佐史之事全然未知公有所屬輒以意揣或幸而中即有未中公亦不深責也三月以後予稍稍習知公輒喜然予性疎率少不拘檢見貴人狂態畢出尤好酒易言公初異之後習而安不甚怪而公亦善飲見幕中人齷齪

拘謹翻不樂而以予為佳公喜作詩見予詩輒愛見予行草諸書未嘗不嘖嘖見賞以是遂莫逆于公在浙者三閱歲復相挈入閩卒無間言者實以公愛予之深覆予之拙諒予之愚且朴而無一毫之欺公也嗚呼予豈料我公之遽隔而遂不復相見乎公入閩之時閩勢已壞福州兵餉缺至三月興泉漳缺至六月不獨肘腋堪憂方且脫巾慮變公當食不食當寢不寢蓄靴刀一尺置諸床頭燭

盡酒闌浩歎數聲引以自擬予從旁默然唏噓不能仰視至今思之恍然如在目也自甲寅正月十一日聞滇信後釁亂將起已知事不可為公籌策已定欲暫出省城南駐興化集四鎮之師招提督海澄之旅會兵于莆以觀省城之變檄已四發定于二月十二日起馬予先出幕不知何以中格嗚呼痛哉予于癸丑南行時中途患疾下血數升委頓幾殆因而辭公公堅欲予入閩入閩二月予疾

復發因而決辭公乃百計相誘託衡玉李君挽留
婉切直至正月晦日始許予歸酌酒祖行一而再
再而三飲至五更猶未忍已語而泣泣而憤憤而
復泣相戀執手如是始罷予于二月二日方歸嗚
呼豈知即為永訣之日也哉公名在天下節在史
冊丹心汗青自當彪炳千古無待予言特以門下
鯢生白頭垂老受公之知纏綿隱痛無以報公更
愧一時遽別不得如留山幼譽諸君相從攜手于

九京也能無臨風隕涕而不能已乎謹采江芹陳
簿醴為位而哭公南望嶺雲北瞻燕雁公其有知
庶幾迴翔而來格乎

門下布衣清苑劉可書謹以蔬果之儀致祭于
總督福建少司馬范公之靈曰嗚呼可書何以哭
公哉公以元臣令子登進士上第年未逾三十參
知密勿大政及出撫浙江諸軍事

皇上臨軒親遣慰勉特深下車甫期月威惠大孚凡所

興革施為無不克當

上指故一時督撫大寮

陞辭曰每正色飭之曰爾欲作好官耶當如范某嗚呼公得君矣迨晉公專制七閩

命甫下諸墨吏望風解綬去藩下諸將弁故虎而翼者也皆失色相戒曰范公來我輩當自戢遂鼠伏莫敢喘息而浙民之哭送者盈途閩民之歡迎者載路嗚呼公得民矣滇南干極閩逆乘機竊發報

至都

上震驚曰范總督死矣必不從賊乃自被難以致結纓
三年猶如一日也公終身之事畢矣嗚呼公之事
固畢矣而可書則何以為心哉余昔落托長安如
馬周之在客邸地老天荒途窮日暮蒙公金勒錦
韉顧盼成飾遂與魏李諸君子同坐揖客之次公
諸幼弟復問字於余余恃一日之長盡所難盡每
于燕坐之暇過為知己之言而公不以我為誕也

故至今盈臆之私不能自抑淚從腹落而不知悲
之何從不謂公就義時而爭死以從者乃在素未
從遊之嵇沈輩與夫臧獲之細健兒之雄也余與
魏李諸君子反飄然事外田橫有客當解笑人矣
此余二三年來所以展

文肅公墓草則儼如從公卜地牛眠時也履東臯
花榭則儼如從公同登遠眺時也至於松臺片石
久已就荒而三徑之餘吾廬尚在此又余之所以

每涉西園輒不勝匣留彈劍床積殘書之感也哭
公之詩遂已盈寸然未敢出以示人也迎公之喪
與公弟蘇公先生久有成議然幾為束裝未敢就
道者稽於時會也今許武夷負公骸以歸安厝有
日余不能復有効於公矣惟為公搜緝遺文詳加
校訂彙成全集壽之黎棗俾後之人讀螺山先生
稿即悉公始末然公忠孝大節光昭星漢天下文
章莫大于是矣又何須此枝葉為但余小子小人

也舍此再無可以申知己之感先生有靈必不以
余言為枝指也

宗末雲威率子能洪能濬姪孫與賢謹以剛鬣
桑毛致祭于

覲公少司馬之靈曰吾人生平所學求其為聖賢
而已聖賢之道以仁義為本仁義立故為子成孝
為臣成忠總期於心安理得而止孔子曰志士仁
人殺身以成仁伊川程氏謂實理得之於心故捐

軀隕命實見得生不重於義生不安於死則吾今
日聞
少司馬覲公之訃而竊以聖賢之道律之不當復
以生死異途哭之也當

覲公之駐節八閩也慷慨激昂吾知其決策制勝
早已預有成算矣迨乎紀綱乍布而海外行且歸
誠惜乎事出異變禍生非常山河帶礪一朝反覆
於時

少司馬計不反顧誓以身殉而豈意其受制於敵人之手哉乃拘囚三載心如鐵石既不欲安其頃刻之生又不容決其一日之死怒髮裂皆痛心泣血古來守志抗節之人莫有過者幸而天心厭亂藩服歸正而竟不能留不屈之身以更圖其有用何其痛也夫生死大關節決裂在一時然要之平生日用間事無大小皆欲即於義理之安然後當生死之際庶幾不差所謂臨大節而不可奪者其

功夫得力在未有事之先耳以視


少司馬由學士而撫浙其良法美政皆以實心行之則其平常應事無不合乎義理之正故其死也安然受之而不疑豈非聖賢之道於

少司馬無間然哉迄今自浙際閩萬里之內家家痛哭而予獨以為死得其正無愧於為聖賢不當復以死生異途哭之矣然情不勝哀且旋復淫淫不休也漬酒以為之祭其亦含笑而受之

附跋

嗟乎 勲 奚忍言及我兄哉 我兄孝友性成 自讀中秘書
游登閣學數以體弱善病不任職 先文肅趣之嚴力
疾入署常詢其每飯幾何疆以能飯對然實不飯也 嫡
母 太夫人適遘疾旦夕親奉侍藥飲衣帶不解者決
旬所母愈而子骨立矣其事伯兄也肩而隨有問則起
立而對出告反面一如所以事 先文肅者而視諸季
也提攜篤誨甘苦與共先意而曲體之疾痛疴癢相關

如一身也由今以思我兄誠天地之完人矣哉至於天
資敏妙十行並下自具慧根又不係好學之不倦也勲
不幸而不獲事兄以終老亦何幸而得廁身我兄之弟
以竊名當世哉兄之大名成矣大節立矣三不朽著矣
國有史家有乘天下萬世有清議勲復奚言祇揭其一
二大端為世所不及知者以誌愛慕效法於勿哀云弟
承勲 披淚頓首謹跋於滇雲制署



范忠貞集卷十